

Local news

News

News

Anti-boelie week by Laerskool Midvaal gehou

Laerskool Midvaal hou van Maandag 24 Julie tot Vrydag 28 Julie 'n anti-boelieweek om bewusmaking rondom afknouery en boeliegedrag te skep.

🕒 July 24, 2023 👤 Digitale verslaggewer 🕒 1 minute read



📷 Leerders en onderwysers van Laerskool Midvaal het Maandag as bleeksiele ("nerds") skooltoe gegaan om te wys dat almal uniek is en niemand verdien om gespot of afgeknou te word nie. Foto: Facebook/Laerskool Midvaal

MEYERTON. – Maandag 24 Julie het leerders en onderwysers van dié skool soos bleeksiele ("nerds") aangetrek om te wys dat almal uniek is en niemand verdien om gespot te word nie.

Dinsdag 25 Julie word leerders aangemoedig om met hoedens en tutu's skool toe te gaan om te wys dat almal se smaak verskil en dat dit okei is om 'n opinie van jou eie te hê.

Woensdag 26 Julie gaan leerders skool toe met snaakse tassie. Die doel daarvan is om leerders te wys dat almal hul probleme anders dra,

maar dat almal mekaar kan help dra.

Donderdag 27 Julie moet leerders plakkate maak om ander met positiewe woorde te inspireer en Vrydag Julie trek hulle pajamas aan om die boodskap uit te stuur dat almal in hul eie vel gemaklik behoort te wees.

Dit is alles ter bewusmaking van die probleem van boeliegedrag en afknouery wat daagliks in skole plaasvind.

Hierdie soort afknouery kan 'n verreikende en blywende impak hê op individue wat dit ervaar, sowel as op die breër gemeenskap.

Die sielkundige effek van afknouery duur dikwels vir jare en kan 'n lae selfbeeld en 'n gebrek aan selfvertroue tot gevolg hê.

Afknouery kan ook leerders se skoolwerk negatief beïnvloed, in uiterste gevalle tot selfdood lei.

Dit is waarom dit uiters belangrik is om afknouery aan te spreek sodra die eerste tekens daarvan bespeur word.






Personeel van Laerskool Midvaal het ook volgens die tema aangetrek. Foto: Facebook/Laerskool Midvaal



Leerders van Laerskool Midvaal tydens die anti-boelie week. Foto: Facebook/Laerskool Midvaal





Maandag 24 Julie het leerders en onderwysers van dié skool soos bleeksiele ("nerds") aangetrek om te wys dat almal uniek is en niemand verdien om gespot te word nie. Foto: Facebook/Laerskool Midvaal



Die klem val hierdie week op afknouery en boeliegedrag by Laerskool Midvaal in Meyerton. Foto: Facebook/Laerskool Midvaal



At Caxton, we employ humans to generate daily fresh news, not AI intervention. Happy reading!